



REPUBLIKA E SHQIPËRISË
AKADEMIA E SHKENCAVE
QENDRA KËRKIMORE E BIOTEKNOLOGJISË DHE GJENETIKËS

Tiranë, më 3.9.2026

Njoftim për pozicion të lirë pune

Në zbatim të ligjit nr. 53/2019 “Për Akademinë e Shkencave në Republikën e Shqipërisë”, i ndryshuar, të Statutit të saj, i ndryshuar, të vendimit të Këshillit të Ministrave nr.298, datë 15.5.2024 “Për ngritjen e njësisë së kërkim studimit me aktivitet afatgjatë “Qendra Kërkimore e Bioteknologjisë dhe Gjenetikës” pranë Akademisë së Shkencave të Republikës së Shqipërisë”, vendimit të Kryesisë së Akademisë së Shkencave nr. 59, datë 6.6.2024 “Për strukturën e organikën e Qendrës së Bioteknologjisë dhe Gjenetikës”, mbështetur në vendimin e Bordit të Drejtorëve nr. 75, datë 11.9.2024 si dhe shkresës së drejtorit të Qendrës kërkimore të Bioteknologjisë e Gjenetikës datë 11.9.2024, protokolluar në Akademinë e Shkencave me nr. 1328 prot., datë 17.8.2026, shpall pozicionin për vend të lirë pune:

I. Pozicioni: Punonjës kërkimor-shkencor, pranë Sektorit të Imunogjenetikës dhe Gjenetikës së popullatave në Qendrën Kërkimore të Bioteknologjisë dhe Gjenetikës pranë Akademisë së Shkencave, kategoria “Lektor”.

Kandidati/ja që aplikon për vendin e lirë të punës “Punonjës kërkimor-shkencor, pranë Sektorit të Imunogjenetikës dhe Gjenetikës, pranë Akademisë së Shkencave” duhet të plotësojë *kriteret e përgjithshme dhe kriteret e veçanta*.

II. Kriteret të përgjithshme:

1. Të jetë shtetas shqiptar;
2. Të ketë zotësi të plotë për të vepruar;
3. Të zotërojë gjuhën e njësuar shqipe, me shkrim e të folur;

4. Të jetë në kushte shëndetësore të mira, që lejojnë të kryejë detyrën përkatëse;
5. Të plotësojë kriteret specifike të vendosura në bazë të përshkrimit të vendit të punës për formimin, kualifikimin, përvojën etj.;
6. Të mos jetë i dënuar me vendim të formës së prerë për kryerjen e një vepre penale që përbën pengesë ligjore;
7. Të mos ketë masë ndëshkimore në fuqi, nga komisionet e etikës, për shkelje të kodit të kërkuesit shkencor ose mësimdhënësit (vetëdeklarim ose vërtetim);
8. Të jetë a të vendoset me banim në Tiranë.

Pranohen vetëm kandidatët të cilët, përveç kriterëve të përgjithshme, plotësojnë edhe kriteret e veçanta, si më poshtë:

III. Kriteret e veçanta:

1. Kandidati/ja të ketë mbaruar studimet e larta në degën Biologji speciale 5 vjeçare pranë Fakultetit të Shkencave të Natyrës në Universitetin e Tiranës ose studime të të njëjtit nivel në Universitete të huaja të dëshmuar me diplomë ekuivalente.
2. Të ketë aktivitet kërkimor-shkencor në fushën e biologjisë molekulare; preferohet në fushën e Next Generation Sequencing (NGS).
3. Të ketë së paku gradën shkencore “Doktor” në fushën e biologjisë molekulare; preferohet marrja e gradës shkencore në një nga universitetet e vendeve perëndimore.
4. Të ketë aftësi shumë të mira në njohjen dhe përdorimin e teknikave bashkëkohore të manipulimit me ADN, kuantifikimit me PCR, sekuencimit të ADN-së si dhe të teknologjisë Next Generation Sequencing (NGS).
5. Të zotërojnë dhe të ketë dëshmi përkatëse të gjuhëve të huaja ndërkombëtare (anglisht, frëngjisht, italisht, gjermanisht, spanjisht etj.)
6. Të jetë në gjendje të paraqesë në mënyrë të pavarur projekt-ide për zhvillimin e studimeve në fushën e biologjisë molekulare.
7. Të ketë aftësi për të punuar në grup, me punonjës të sektorit të Imunogjenetikës dhe Gjenetikës së Popullatave si dhe me bashkëpunëtorë jashtë institucionit.

IV. Dokumentet që duhet të paraqesë kandidati:

Kandidati duhet të dërgojë me postë ose dorazi në një zarf të mbyllur pranë zyrës së protokollit të Akademisë së Shkencave, dokumentet e dosjes së tij personale si më poshtë:

1. *Kërkesën me shkrim;*
2. *Fotokopje e faqes së parë të pasaportës ose të kartës së identitetit.*
3. *Autobiografi (Curriculum Vitae), me të dhënat personale e profesionale (ku të përfshihet edhe lista e plotë e botimeve, me një përshkrim 3-6 rreshta për çdo botim shkencor).*

4. Fotokopje të noterizuar të diplomave universitare fituar brenda apo jashtë vendit (në rastin e fundit, ekuivalentuar ose në proces ekuivalentimi në Ministrinë e Arsimit dhe Sportit).
5. Origjinalet ose fotokopjet e plota të botimeve shkencore.
6. Fotokopje e noterizuar e dëshmisë së gjuhës ose gjuhëve ndërkombëtare që zotëron (këtu përfshihen: anglisht, frëngjisht, italisht, gjermanisht, spanjisht, etj). Për kandidatët që e kanë kryer shkollimin jashtë vendit, mjafton diploma e noterizuar e universitetit të huaj).
7. Dy rekomandime nga dy specialistë/profesorë të fushës.
8. Platformën e punës, me të cilën kandidati tregon arsyet e kandidimit dhe nivelin e përgatitjes së tij për pozicionin e shpallur në konkurrim.

Afati i dorëzimit të dokumenteve:

Pranimi i dokumenteve bëhet deri më datën 17.9.2026, ora 12.00. Gjatë kësaj periudhe kandidatët kanë të drejtën të konsultohen me njësinë përgjegjëse të personelit për plotësimin e dokumentacionit.

V. Fazat e konkurrimit dhe mënyra e vlerësimit të aftësive.

Konkurimi zhvillohet në dy faza. Kandidatët do t'i nënshtrohen verifikimit paraprak të plotësimit të kriterëve të përgjithshme dhe të veçanta si dhe vlerësimi i kandidatëve. Verifikimi paraprak, ka për qëllim të verifikojë nëse kandidatët plotësojnë kriteret e përcaktuara në shpalljen për konkurrim.

Kandidaturat vlerësohen për:

- a) Arsimimin, kualifikimin e aktivitetin e kandidatëve, mbështetur në dokumentacionin që gjendet në dosje;
- b) Intervistën me gojë;
- c) Platforma e punës.

Totali i pikëve në vlerësimin e kandidatëve është 100 (njëqind) pikë dhe ka këtë strukturë:

- a) 25 % për formimin profesional;
- b) 25 % për vlerësimin në bashkëbisedimin me gojë;
- c) 50 % për platformën e punës.

VI. Shpallja e rezultateve dhe njoftimi i fituesit:

Verifikimi paraprak

Rezultatet e verifikimit paraprak të kryer nga njësia përgjegjëse, me emrat e kandidatëve që i plotësojnë kriteret e përgjithshme dhe të veçanta do të shpallen në faqen zyrtare të Akademisë së Shkencave, dhe në portalin e Shërbimit Kombëtar të Punësimit. Lista e kandidatëve që nuk kualifikohen nuk publikohet. Njësia i bën të ditur çdo kandidati veçmas arsyen e moskualifikimit. Ankesat nga kandidatët paraqiten

në njësinë përgjegjëse brenda 3 (tri) ditë pune nga shpallja e listës dhe ankuesi merr përgjigje brenda 3 (tri) ditë pune nga data e depozitimit të saj.

Vlerësimi i kandidatëve

Kandidatët e kualifikuar duhet të paraqiten më datën **1.10.2026** për zhvillimin e konkursit.

Lista me emrat e konkurruesve me mbi 65 pikë do t'i dërgohet njësisë përgjegjëse të personelit e cila shpall fitues të parin që renditet në listë. Emri dhe profili profesional i fituesit i njoftohen Kryesisë. Kryetari i ASH bën emërimin në detyrë të fituesit. Fituesi brenda tri ditësh lidh kontratën e punës me institucionin. Njësia bën publik vendimin për emërimin përmes faqes zyrtare të institucionit

Akademia e Shkencave e Shqipërisë

Sheshi “Fan Noli”, Tiranë

www.akad.gov.al

Përshkrimi i punës

Në kuadrin e projekteve kërkimore të QKBGJ-së kërkuesi shkencor, në përputhje me kualifikimin dhe njohjen e hollësishme të teknikave laboratorike të Gjenetikës Molekulare si dhe mbi bazën e përvojës së gjatë në punë kërkimore në këtë fushë, do të kryejë detyrat kryesore në laboratorin e QKBGJ-së si më poshtë. Këto detyra mund të ndryshojnë në përputhje edhe me kërkesat e projekteve kërkimore ku do të marrë pjesë.

- a) Ekstraktim i ADN-së nga materiale biologjike mbi bazën e kiteve të posaçme në përputhje me materialin biologjik.
- b) Manipulimi me materialin biologjik AND dhe ARN, nëpërmjet metodave të PCR, sekuencimit të AND-së, me metodën Sanger dhe me NGS.
- c) Identifikim dhe përcaktim i markerëve të tipeve të ndryshme të ADN-së sipas rasteve të studimit.
- d) Sekuencime të renditjeve të ndryshme të ADN-së mbi bazën e primerave të veçantë.
- e) Analiza statistikore të të dhënave të përftuara me qëllime krahasimi.
- f) Shërbim laboratorik ndaj të tretëve (sipas marrëveshjeve përkatëse) mbi studimin e geneve.
- g) Ideim dhe hartime projektsh kërkimore në lidhje me biologjinë molekulare.
- h) Kryen çdo detyrë tjetër që i ngarkohet.